

實不居其華故去彼取此

昔之得一者天得一以清地得一以寧
以靈谷得一以盈萬物得一以生侯王得一
為天下政其致之天无以清將恐裂地无
寧將恐廢神无以靈將恐歇谷无以盈將
恐竭萬物无以生將恐滅侯王无以貴將恐
蹙故貴以賤為本高以下為基是以侯王自
謂孤實不穀此其以賤為本耶非故致數譽
无譽不欲祿祿如玉落落如石
反者道之動弱者道之用天下之物生於有
有生於无

上士聞道勤能行中士聞道若存若亡下士聞
道大噉之不噉不足以為道是以建言有
之明道若昧進道若退夷道若顛上德若谷
大白若辱廣德若不足建德若偷質真若渝
大方无隅大器免成大音希聲大象无形道
隱无名夫唯道善貸生成

道生一一生二二生三三生萬物萬物負陰而
抱陽冲氣以為和人之所惡唯孤寡不穀而
王公以自名故物或損之而益益之而損

人之所教亦我義教之種梁者不得其死吾
將以為學父

天下之至柔馳騁天下之至堅无有入无間
是以知无為有益不言之教无為之益天下
希及之

名興身熟親身興貨熟多得興亡熟病是故
甚愛必大費多藏必厚亡故知是不辱知心
不殆可以長久

大成若缺其用不弊大滿若冲其用不窮大
直若屈大巧若拙大辯若訥躁勝寒靜勝熱
清淨為天下正

天下有道却走馬以董天下无道戎馬生於
郊罪莫大於可欲禍莫大於不知足咎莫甚
於欲得知足之足常足

不出戶知天下不闕牖見天道其出弥遠其
知弥少是以聖人不行而知不見而名不為而成
為學日益為道日損損之又損之以至於无
為无為无不為取天下常以无事及其有事
不足以取天下

聖人无心以百姓心為心善者吾善之不善

者吾亦善之得善信者吾信之不信者吾亦信之得信聖人在天下惴惴為天下混其心百姓皆注其耳目聖人皆懷之

出生入死生之徒什有三死之徒什有三人之生動之死地什有三夫何故以其生生之厚蓋聞善攝生者陸行不遇兇虎入軍不被鉀兵先无所駐其角^常无所措其孤兵无所容其刃夫何故以其无死地

道生之德畜之物形之勢成之是以萬物莫不尊道而貴德道尊德貴夫莫之爵而常自然故道生之畜之長之育之成之熟之養之覆之生而不有為而不恃長而不宰是謂玄德天下有始以為天下母既得其母以知其子既知其子復守其母沒身不殆塞其兌閑其門終身不勤開其兌濟其事終身不救見小曰明用柔曰強用其光復歸其明无遺身殃是謂襲常

使我介然有知行於大道唯施甚畏大道甚夷其民好佳朝甚除田甚蕪倉甚虛服文綵帶利劍廣飲食資貨有餘是謂盜誇盜誇

非道

善達不拔善抱不脫子孫祭祠不餒脩之身
其德能真脩之家其德能有餘脩之鄉其德
能長脩之國其德能豐脩之天下其德能普
故以身觀身以家觀家以鄉觀鄉以國觀國
以天下觀天下吾何以知天下之然以此

含德之厚比於赤子毒虫不螫猛獸不據攫
鳥不搏骨弱筋柔而握固未知牝牡之合而
醴佐精之至終日號而不嗔和之至知和曰
常知常曰明益生曰詳心使氣曰強物壯則
老謂之非道非道早已

知者不言言者不知塞其兌閉其門挫其銳
解其忿和其光同其塵是謂玄同故不可得
親不可得踈不可得利不可得害不可得貴
不可得賤故為天下貴

以政治國以奇用兵以无事取天下吾何以
知天下之然以此天下多忌諱而民稱貧民
多利器國家滋昏民多知巧奇物滋起法物滋
章盜賊多有故聖人云我无為民自化我无
事民自富我好靜民自正我无欲民自朴其
政悶悶其民醇醇其政察察其民缺缺禍福

之所倚福禍之所伏孰知其極其无正正復
為奇善復為該人之迷其日固久是以聖人
方而不割廉而不穢直而不肆光而不耀治
身莫若武夫唯武是以早伏早伏謂之重
積德重積德則无不剋无不剋莫知其極
能知其極可以有國有國之母可以長久是
以深根固蒂長生久視之道

治大國若亨小脰以道莅天下其鬼不神非
其鬼不神其神不傷人非其神不傷人聖人
亦不傷人夫前不相傷故德交歸

大國者下流天下之郊天下之郊牝常以靜
勝牡故大國以下小國則取小國小國以下大
國則聚大國故或下而取或下而聚夫大國不
過欲兼畜人小國不過欲入事人夫兩者各得其
所欲故大者宜為下

道者萬物之與善人之寶不善人所不保義
言可以市尊行可以加人人之不善奚棄之
有故立天子置三公雖有供璧以先駟馬不
如坐進此道古之所以貴此道者何不日求
以得有罪以免故為天下貴

為无為事无事味无味大小多少報怨以德
畝難於易為大於細天下難事必佐於易大
事必佐於小夫輕諾必宜信多易必多難是
以聖人猶難之故終无難

其安易持其未兆易謀其脆易破其微易散
為之於未有治之於未乱合抱之木生於豪末
九重之臺起於累土千里之行始於足下為者
敗之執者失之是以聖人无為故无敗无執故
无失民之從事常於幾成而敗之慎終如始
則无敗事是以聖人欲不欲不貴難得之
貨學不學備衆人之所過以輔萬物之自然
而不敢為

古之善為道者非以明民將以愚之民之難
治以其多智故以智治國國之賊不以智治國
國之德知此兩者亦楷式常知楷式是謂玄
德玄德深遠與物反然後迺至大順

江海所能為百谷王者以其善下之故能為
為百谷王是以聖人欲上民以其言下之欲
先民以其身後之是以愛上而民不重愛前
而民不害是以天下樂推而不廢以其无爭

天下皆以我大不咲夫大故不咲若咲久其
細我有三寶寶而持之一曰慈二曰儉三曰不敢
為天下先夫慈故能勇儉故能廣不敢為天
天下先故能成器長今捨其慈且勇敢其儉
且廣赦其後且先死矣夫慈以陳則勝以守
則固天將救之以慈衛之

古之善為士者不武善戰不怒善勝敵不爭
善用人為下是謂不爭之德是謂用人之力
是謂配天古之極

用兵有言吾不敢為主而為客不敢進寸而
退尺是謂行无行攘无解執无兵仍无敵禍莫
大於侮敵侮敵則幾亡吾寶故抗兵相若則
哀者勝

吾言甚易知甚易行天下莫能知莫能行言
有宗事有君夫唯无知是以不吾知知我者
希則我者貴是以聖人被褐懷玉

知不知上不知知病是以聖人不病以其病病
是以不病

民不畏威則大威至无狹其所居无鑿其所
生夫唯不鑿是以不鑿故聖人自知不自見

自愛不自貴故去彼取此

勇於敢則然勇於不敢則活此兩者或利或害天之所惡熟知其故天之道不爭而善勝不言而善應不召而自来不言而善謀天網恢恢疎而不失

民常不畏死奈何以死懼之若使常不畏死而為奇者吾執得而然之熟敢常有司然者然夫代司然者是謂代大逆劉夫代大逆獨希不傷其手

人之飢以其上食稅之多是以飢百姓之難治以其上有為是以難治民之輕死以其生之厚是以輕死夫唯无以生為者是賢於貴生

人之生柔弱其死堅強万物草木生之柔脆其死枯槁故堅強者死之徒柔弱者生之徒是以兵強則不勝木強則共故堅強居下柔弱處上

天之道其猶張弓高者抑之下者舉之有餘者損之不足者與之天之道損有餘補不足人道則不然損不足奉有餘熟能有餘以奉天

下其唯有道是以聖人為而不恃成功不處
斯不貴賢

天下柔弱莫過於水而攻堅強者莫之能先
其无以易之故柔勝剛弱勝強天下莫能知
莫能行是以聖人言受國之垢是謂社稷主
受國不祥是謂天下主正言若反

和大怨必有餘怨安可以為善是以聖人執
左契不貴於人故有德司契无德司徹天道
无親常與善人

小國寡民使有什伯之器而不用使民重死
而不遠徙雖有舟輦无所乘之有鉞兵无所
陳之使民復結繩而用之甘食美其服安
其居樂其俗鄰國相望雞狗之聲相聞使民
至老不相往來

信言不美美言不信善者不辯辯者不善知
者不博博者不知聖人不積既以與人已愈
有既以與人已愈多天之道利而不害聖人
之道為而不爭

老子道德經